

■ GLOSSA

Je ne regrette rien!

DA SILVIO CAMENISCH

Aquella calvinista Calmy avain nus da l'assemblea naziunala mussà nua ch'i va tras. Wo es lang geht. Ha la tuppa giaglina tuttina pudì rumper il minusrecord istoric sco la Madame présidente da la degna assemblea naziunala. Ins sa vestgeschia degnamain er a chasa davant las televisiuns, duess ins vesair nus directamain en sala da l'assemblea naziunala u dador en la Wandelhalle. Da sa vestgir degnamain demussa er a chasa sin chana-pè u en letg tranter partenaris il duì respect vers voss tramess giu Berna, entant che vus a chasa savais laschar pender.

Il respect visavi las instituziuns e constituziuns, persunas e chaussas è scrit grond en nossa degna assemblea naziunala. Ma quai s'accorsch'ins er a chasa davant las teles e telenoveles, i fiss purtà respect en sadellas plainas en sala dal cussegl reunì e derschì surchau giu (d)als cussegliers e cusseglieras. Insatge ch'i n'ha mai dà. La calvinista è vegnida, na, currida or da quellas elecziuns bletscha tras e tras. Quai han ins era pudì vesair bain en la stanza da medias a chasa. Ella è daventada insatge sco ina chaplutta da chasa per



l'agen adiever, e spargna a nus dad ir en autras.

Senza serrar las ritschas e Svuschar uschè serradamain sco pussaivel cunter la persuna odiada Calmy na fiss il minusrecord istoric mai stà pussaivel, uschia bain. I dat adina insanuarusnas en il sistem, uschia che subversivs penetreschan en. Quels hackers dal sistem. Pertge tuts systems, stuvain nus esser conscients, han insanuarusnas ed attiran automaticamain hackers. E sistem ha noss putsch gi! Autramain n'avessan nus betg oz il resultat che nus avain. In minusrecord per ils cudeschs da records!

Tge schurnalista da la sanestra extrema essas Vus? I n'ha da nagin temp sa tractà d'in putsch intenziunà, alura miss enturn. Umgesetzt. U betg colle-

gas? È vair ch'ella è ina taila cotschna en l'arena. En la litteratura schess ins en la scena e manegiass il medem. Tuts taurs che curran en, reagischan aggressiv sin tals fermes signals; giascha bain en ils sems dals animals, en noss cas animals politics. Nua è il problem? Noss respect ch'els han gi il curaschi d'attatgar la taila cotschna, sezs vegnir attatgads sanguinusamain da la chanaglia da schurnalaglia ultrista!

Etge di Madame présidente sco farce en la Wandelhalle, davant guauds da microfons cun las chautschas giudim sin ils chalzers? Din ins bain high heels? Je ne regrette rien! Tge impertinenzanunditga. Vesais? Manca anc ch'ella chanta Les trois cloches! Nulla respect ni dal lieu ni da las persunas. Nu'essan nus? En l'assemblea naziunala! Betg en scoletta u scolina, egual tgenina! Là po i anc vertir dispitas fin mobbing systematic, na, gnanc pli là. Ins ha introduci dapertut ina cultura da conflict, er mobbing. Aber qua en sala da l'assemblea naziunala na lessan nus betg quai! Sacra! Vulcan disciplinar ins cun moralà ed etica 1:1 sco tar anc betg integrads. Essan bain betg in Kindergarten u tge!